

ZAKON
O IZMJENAMA I DOPUNAMA
ZAKONA O SUDSKIM TAKSAMAMA

Član 1.

U Zakonu o sudskim taksama ("Službeni list Unsko-sanskog kantona" broj: 3/97 i „Službeni glasnik Unsko – sanskog kantona» broj:6/98, 9/98, 4/03, 8/05, 22/07) u članu 3. iza stava 3. dodaje se novi stav 4. koji glasi:

Za odluku drugostepenog suda i za odluku po vanrednom pravnom lijeku, taksu je dužan platiti podnosilac žalbe, odnosno lice u čijem je interesu pokrenut postupak po vanrednom pravnom lijeku."

Dosadašnji stav 4. ovog člana postaje stav 5.

Član 2.

Iza člana 3. ovog Zakona dodaju se novi članovi 3 a. i 3b. i glase:

Član 3a.

Uz podnesak (tužbe, prijedlog, pravni lijek i dr.) obavezno se dostavlja dokaz o uplaćenju sudskoj taksi.

Ukoliko stranka smatra da ispunjava zakonom propisane uvjete da bude oslobođena plaćanja takse, uz podnesak mora podnijeti i zahtjev za oslobađanje plaćanja takse.

Član 3b.

Sud neće poduzimati nikakave radnje ako takseni obaveznik nije platio taksu propisanu ovim Zakonom. U slučaju podnošenja podneska bez dokaza o uplaćenju taksi, sud će pozvati stranku, odnosno njenog punomoćnika da se uplati taksa u roku od 8 dana, uz upozorenje da će joj podnesak biti vraćen.

Ako stranka ne ispoštuje rok, iz prethodnog stava, sud će podnesak vratiti uz obavijest da je vraćen zbog neplaćanja sudske takse.

Izuzetno od stava 1. ovog člana, ukoliko takseni obaveznik ne postupi po pozivu suda i u ostavljenom roku ne uplati taksu na uloženi redovni ili vanredni pravni lijek, podnesak neće biti vraćen, već će se nastaviti postupak po uloženom pravnom lijeku, a prinudnoj naplati sudske takse pristupit će se u skladu sa odredbama ovog zakona."

Član 3.

Član 4. mijenja se i glasi:

Član 4.

„Ako ovim Zakonom nije drugačije propisano takseni obaveza nastaje:

- a) za sudske odluke – danom donošenja sudske odluke, a ukoliko jedna od stranaka nije prisustvovala glavnoj raspravi, od dana dostavljanja pismene obavijesti o datumu donošenja odluke, odnosno danom dostavljanja odluke, ako se dostava vrši u skladu sa zakonskim odredbama o dostavi;
- b) za sudske nagodbe- kada se zaključuje;
- c) za paušalnu taksu u postupku raspravljanja zaostavštine – danom donošenja rješenja o naslijeđivanju.“

Član 4.

Član 8. se briše.

Član 5.

U članu 10. stav. 1. iza tačke 8. dodaju se tačke 9. i 10. i glase:

„9. stranke koje u postupku pred sudom spor riješe meditacijom

10. logoraši i druge žrtve torture, kršenja međunarodnog prava ljudskih prava i ozbiljnih povreda međunarodnog humanitarnog prava u postupku ostvarivanja prava na reparaciju“.

Član 6.

U poglavlju III „ZEMLJIŠNO-KNJIŽNI POSTUPAK“ U Tarifnom broju 14. tačka 3. iza riječi „0,2% od vrijednosti kredita“ se dodaju riječi „, s tim da ne može biti manja od 50,00 KM, niti veća od 1.000,00 KM

Član 7.

Ovaj Zakon stupa na snagu osmog dana od dana objavljivanja u "Službenom glasniku Unsko – sanskog kantona".

Broj 01-02-1-248/11 Predsjedavajući Skupštine
5. decembar 2011. godine Unsko-sanskog kantona
B i h a ć mr. sci. **Husein Rošić**

732.

Na osnovu člana 2. b) poglavlja IV i člana 11.b)odjeljak A, poglavlje V Ustava Unsko-sanskog kantona – prečišćeni tekst („Službeni glasnik Unsko-sanskog kantona“ broj: 01/04 i 11/04), na prijedlog Vlade Unsko-sanskog kantona, Skupština Unsko-sanskog kantona na